

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2001 ԹՎԱԿԱՆԻ
 ՀՈՒՆԻՍԻ 21-Ի N 557 ԵՎ 2006 ԹՎԱԿԱՆԻ ՆՈՅԵՄԲԵՐԻ 2-Ի N 1911-Ն
 ՈՐՈՇՈՒՄՆԵՐՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ
 Մ Ա Ս Ի Ն

Հայաստանի Հանրապետության կառավարությունը ո ղ ո շ ու մ է.

1. Հայաստանի Հանրապետության կառավարության 2001 թվականի հունիսի 21-ի «Հայաստանի Հանրապետության Տավուշի մարզի առողջապահության համակարգի օպտիմալացման ծրագիրը հաստատելու մասին» N 557 որոշմամբ հաստատված` Հայաստանի Հանրապետության Տավուշի մարզի առողջապահության համակարգի օպտիմալացման ծրագրում կատարել հետևյալ փոփոխությունները և լրացումները`

1) ըստ վարչատարածքների` ամբուլատոր-պոլիկլինիկական ծառայություններում առաջարկվող օպտիմալացման գործընթացի «Նոյեմբերյանի վարչատարածք» բաժնի 3-րդ կետում`

ա. կետից հանել «և «Բագրատաշենի ԳԲԱ», «Բերդավանի ԳԲԱ», «Զորականի ԳԲԱ», «Ոսկևանի ԳԲԱ» փակ բաժնետիրական ընկերությունները» բառերը,

բ. կետին նախորդող աղյուսակի` Նոյեմբերյանի տարածաշրջանին վերաբերող հատվածը լրացնել հետևյալ պարբերություններով.

« Բագրատաշենի ԳԲԱ	թողնել նույն կարգավիճակով	1 ընտանեկան բժշկի գրասենյակ	Բագրատաշենի ԳԲԱ	2652
			Դեբեդավանի ԲՄԿ	652
			Դեղձավանի ԲՄԿ	246
			ընդամենը	3550
Զորականի ԳԲԱ	թողնել նույն կարգավիճակով	1 ընտանեկան բժշկի գրասենյակ	Զորականի ԳԲԱ	1031
			Հաղթանակի ԲՄԿ	1124
			Պտղավանի ԲՄԿ	850
			ընդամենը	3005

Ոսկևանի ԳԲԱ	թողնել նույն կարգավիճակով	1 ընտանեկան բժշկի գրասենյակ	Ոսկևանի ԳԲԱ	1434
			Ոսկեպարի ԲՄԿ	882
			Բաղանիստի ԲՄԿ	770
			ընդամենը	3086

գ. կետին նախորդող աղյուսակի «Ընդամենը՝ Նոյեմբերյանի տարածաշրջանում» տողում «16» թիվը փոխարինել «12» թվով, իսկ «36520» թիվը՝ «31346» թվով:

2. Հայաստանի Հանրապետության կառավարության 2006 թվականի նոյեմբերի 2-ի «Հայաստանի Հանրապետության մարզերի առողջապահության համակարգերի Օպտիմալացման ծրագրերը հաստատելու մասին» N 1911-Ն որոշման մեջ կատարել հետևյալ փոփոխությունները՝

1) որոշման N 6 հավելվածի՝ Հայաստանի Հանրապետության Տավուշի մարզի առողջապահության համակարգի Օպտիմալացման ծրագրի «III. Նոյեմբերյանի տարածաշրջան» բաժնի՝

ա. 1- ին կետը շարադրել հետևյալ խմբագրությամբ.

«1. «Նոյեմբերյանի պոլիկլինիկա» փակ բաժնետիրական ընկերության գույքի կազմից առանձնացնել պոլիկլինիկայի (շուրջ 893 քառ. մ տարածք) և Բագրատաշենի գյուղական համայնքում տեղակայված գյուղական բժշկական ամբուլատորիայի (շուրջ 481 քառ. մ տարածք) շենքերը և հանձնել Հայաստանի Հանրապետության կառավարությանն առընթեր պետական գույքի կառավարման վարչությանը: Բաժնետոմսերի հետզնման և մարման միջոցով՝ համապատասխան չափով նվազեցնել «Նոյեմբերյանի պոլիկլինիկա» փակ բաժնետիրական ընկերության կանոնադրական կապիտալը:

«Նոյեմբերյանի պոլիկլինիկա» փակ բաժնետիրական ընկերության գույքի կազմից առանձնացնել «Նոյեմբերյանի պոլիկլինիկա» փակ բաժնետիրական ընկերության կազմում հաշվառված՝ Ոսկևանի, Զորականի և Բագրատաշենի գյուղական համայնքների բժշկական ամբուլատորիաների գույքը և սեփականության իրավունքով հանձնել «Ոսկևանի բժշկական ամբուլատորիա», «Զորականի գյուղական բժշկական ամբուլատորիա» և «Բագրատաշենի գյուղական բժշկական ամբուլատորիա» փակ բաժնետիրական ընկերություններին: Բաժնետոմսերի

հետզնման և մարման միջոցով՝ համապատասխան չափով նվազեցնել «Նոյեմբերյանի պոլիկլինիկա» փակ բաժնետիրական ընկերության կանոնադրական կապիտալը:

Բաժնետոմսերի թողարկման և տեղաբաշխման միջոցով ավելացնել «Ոսկևանի բժշկական ամբուլատորիա», «Զորականի գյուղական բժշկական ամբուլատորիա» և «Բագրատաշենի գյուղական բժշկական ամբուլատորիա» փակ բաժնետիրական ընկերությունների կանոնադրական կապիտալները»,

բ. 5-րդ կետն ուժը կորցրած ճանաչել:

3. Հայաստանի Հանրապետության կառավարությանն առընթեր պետական գույքի կառավարման վարչության պետին՝ Բագրատաշենի գյուղական համայնքում տեղակայված գյուղական բժշկական ամբուլատորիայի շենքն անհատույց և ժամանակավոր օգտագործման իրավունքով հատկացնել «Բագրատաշենի գյուղական բժշկական ամբուլատորիա» փակ բաժնետիրական ընկերությանը:

4. Հայաստանի Հանրապետության Տավուշի մարզպետին՝

1) մինչև 2010 թվականի հուլիսի 30-ը ավարտել սույն որոշմամբ նախատեսված՝ Հայաստանի Հանրապետության Տավուշի մարզի առողջապահության համակարգի օպտիմալացման ծրագրից բխող առողջապահական կազմակերպությունների օպտիմալացման աշխատանքների իրականացումը՝ Հայաստանի Հանրապետության քաղաքացիական օրենսգրքի և «Բաժնետիրական ընկերությունների մասին» Հայաստանի Հանրապետության օրենքի պահանջներին համապատասխան.

2) մինչև 2010 թվականի օգոստոսի 31-ը Հայաստանի Հանրապետության կառավարություն և Հայաստանի Հանրապետության առողջապահության նախարարություն ներկայացնել Հայաստանի Հանրապետության Տավուշի մարզում սույն որոշմամբ նախատեսված առողջապահության համակարգի օպտիմալացման ծրագրի իրականացման գործընթացի մասին հաշվետվություն:

5. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Տ. ՍԱՐԳՍՅԱՆ

2010 թ. հունիսի
Երևան